

# Istorgias dal spiert da Crapalv

Disc cumpact cun otg istorgias da Daniel Badraun

■ L'onn 2002 han il Radio Rumantsch e la Lia Rumantscha edì communabla main in disc cumpact cun istorgias dal spiert da Crapalv. Las aventuras veggan raquintadas da Roman Pünchera ed enramadas cun musica da Roman Cantieni. Il spiert venerabel che ha già 888 onns emprenda da conuscher ina classa da scola e passenta l'ina u l'altra aventura en las otg istorgias entituladas: Meglier che quints, Gruppa quatter, La pausa, Maschinias, Cassas vidas, Sairada da geniturs, Arabs e La festa. La preschentaziun da chattà.ch As dat in pitschen insatg.

## Meglier che quints: ina festa d'uffants


Igl è las diesch la damaun a Quattervals. Il scolast Clo Bassin vegn or dal restaurant Curuna e turna en stanza da scola. Sco mintga damaun prendan ses scolars lur cudeschs da quints. «Sin tge pagina es-sen nus?» vul savair Laura. «Sin l'ultima», scutina Mengia be da bassin, «jau n'hai pli nagina veglia da quintar ensemens cifras.» En quel mument audan elllas la vusch dal scolast: «Mettai davant ils cudeschs per in mument!» Ils uffants stantan davos lur bancs cun bucca averta. Gnanc in di na passa senza quell'ura da quints suenter la pausa. E quai gia dapi onns. Tge èsi be cun il scolast?

Il scolast na tradescha nagut. Ils uffants ston trair en ils chalzers e prender cun els las giaccas e già chaminan els tras la vischianca e si per il guaud nair. «Na pudais vus betg dir tge ch'igl è!» Ma il scolast tasha e ri be da quai misterius.

Finalmain arriva la classa tar la ruina da Crapalv. Ils uffants fan ina tala canera ch'il spiert avra ils egs sin il palantschin da la veglia tur. «Uuuuuuuuuuuuuu! Tge fan quels uffants qua? Na pon els betg laschar durmir in spiert stanchel? – Tge? Il scolast Bassin? Tge fa quel qua?»

Il spiert auda la vusch dal scolast: «Cura ch'jau hai bavì questa damaun mes café, m'esi veggì endament ch'jau sun quest onn già ventg onns scolast a Quattervals.» – «Uuuuuuuuuuuu! Tge èn ventg onns? Jau sun dapi otgschientotgantog onns il spiert da Crapalv», murmurà il spiert. – «E per quest giubileum vuless jau far ensemens cun vus insatge tut spezial. Jau hai studegià envid enennà fin ch'jau hai savi precis tge far. Nus vegini a far ina festa d'uffants qua a Crapalv!» – «Uuuuuuuuuuuu! Er jau vegin a far insatge spezial, mes chars, insatge che vus na veginis mai pli ad emblidar, spetgai be!»

Ils scolars da Quattervals cumenzan a splatschar dal plaschair, ma il pli d'aut splatscha il spiert. «Uuuuuuuuuuuuuu!, uschè bler public per mes giubileum dad otgschientotgantog onns n'avess jau



Cuverta dal DC «Il spiert da Crapalv» (2002).

betg spetgà! Grazia signur scolast, uuuuuuuuuuuu, grazia fitg!»

Sco che vesan ora las preparativas da la classa da signur Bassin e tge plans ch'il spiert da Crapalv ha per ses giubileum, veggan ils auditurs a savair cun tadlar las otg istorgias. Avant che pudair festegiar cun tut il vitg, ston ils scolars però anc passentar intginas aventuras...

## Gruppa quatter

Senza che nagan n'avess badà, è il spiert da Crapalv glischinà dascus en la mappa dal scolast ed ha lura chattà in zup sin ina stgaffa en stanza da scola. Da là davant observal il travasch dals scolars. Dapi ch'il signur Clo Bassin ha raquintà da la festa d'uffants datti numnadamain be anc in unic tema per ils uffants da Quattervals. «Il pli important tar la festa èn ils gieus.» – «Jau vuless giugiar a zuppar tar la ruina!» – «Nus stuan far in grond fieu per la marendal!» – «Gea, e dapertut pendain nus si balluns!»

Per la festa datti traiss gruppas da lavor: ina è responsabla per ils gieus, ina seconda per il mangiar ed ina terza per las tendas,

maisais, ils bancs ed uschia vinavant. Min-tga scolar dastga eleger sia gruppera preferida. Quai dat in baterlim fin che tut ils scolars èn inscrits en lur gruppera preferida.

Cun in'exceptziun, Linard n'ha betg chattà ina gruppera adattada. «Sche ve e scriva si il num da tia gruppera da lavor!» envinda il scolast. Plaunsieu va Linard tar la tavla e piglia en maun ina crida. Alura scriva'l: Gruppera quatter: scriver invits ad auters uffants. «Nus avain bain scrit ina giada brevs ad uffants en auters pajais. Na vulain nus betg envidar quels tar nus a Quattervals?»

Dal plaschair fa il spiert cloccar si'ossa. «Uuuuuuuuuuuu! Ans dapi uffants! Quai dat ina festa propri tenor mes gust!» Cur ch'i vegin stgir en stanza da scola, sgola il spiert da Crapalv giu da la stgaffa, scriva ses num sut quels da la quarta gruppera, prenda ina penna, palpiri e cuvertas e cu-menza a scriver brevs d'invit. «Uuuuuuuuuuuu, jau lasch vegnir spierti da la Transilvania, da las Abruzzas, dad Andorra ed auters pli. Quai dues propri da ina festa internaziunala! Uuuuuuuuuuuu!»

## Autors spierts en chasa da scola?

Per il solit sa fa viv il spiert da Crapalv a mesanotg sut il teg da la tur da la veglia ruina sin il mut sur il guaud nair. Ma betg ils ultims dis. Dapi in temp dorma il spiert sin la stgaffa en la stanza da scola. E tut be pervi da quella festa d'uffants! El schloppa bunamain da la mirveglia, tge ch'il scolars e Clo Bassin prendan a mauns per organizar questa festa.

Ma la notg ha'l lungurus. Il spiert sgola ina giada tras la stanza. Lura gioga'l in pau a tschiffar cun las sumbrivas. «Suler n'è quai propri betg da tegnair ora!» – «Rata-tata!» Il spiert stat quiet. Puspè aud'ins quella ramur: «Rata-tata!» E puspè quieteza.

«Sssssssss!» Tge pomai è quai? «Näääääääääää! Ratatatata!» – «Uuuuuuuuuuuu! Datti spierts en questa chasa? Spierts ch'jau n'enconusch gnanc?» Svelt sgola il spiert fin tar la porta, passa tras la fora da la clav. En il corridor è tut stgir. Igl è puspè quiet. Il spiert guarda en-

turn. I dat quatter portas en quest corridor. El decida d'avrir ina suenter l'altra. Tar la quarta porta auda'l puspè ramur. Dadens èsi tut stgir. Stgir e quiet. Ma lura vesà'l plirs egli glischinants ch'al guardan tut grit. Il spiert cumenza a tremblar. Tge pomai vulan quels dal spiert da Crapalv?

## Sairada da geniturs

La festa d'uffants s'avischna, il program è fatg, ussa manca be il consentiment dals geniturs. Il signur Bassin reparta in fegl d'infurmaziun: «Quel stuais purtar a voss geniturs. Quai è il program per la festa d'uffants. Cur ch'els veggan questa saira, pudain nus discutar tut.» – «Mia mamma ha ditg, ch'ella na saja betg d'accord!» scutina Anna. «Pover signur scolast. Mes bab ha ditg, ch'el dia alura schon ses parairi.» Jonas metta il fegl mellen en ses satg da scola: «Insatgi stuess gidar il magister, uschiglio na datti nagina festa.» È il spiert da Crapalv il dretg gidanter!

Cur che la stanza da scola è vida, sgola il spiert or da ses zup. «Jau vi salvar quella festa dals uffants!» Ed il spiert cumenza cun las preparativas. El tatga tailas d'arogns transparentas vi da las sutgas, vi da la tabla ed er en auters lieus. «Uuuuuuuuuu, quai dat ina bella surprisa!» Igl è las otg la saira. Per il solit èsi da quellas uras fitg quiet en stanza da scola. Ma oz betg. Igl è cler ed ils bancs èn occupads cun creschids.

«Poss jau cumenzar per plaschair!» sa fa udir il scolast. «Damai vuless jau cumenzar cun la sairada d'infurmaziun davart la festa d'uffants!»

«Pertge betg ina festa per ils geniturs?» marmugna il policist. «Psssst!» fa sia dunna, «uschiglio survegns in chasti!» Il spaz-zachamin ri, entant che la dunna dal sel-viculter sa sgoba sut il banc per guardar sche ses figli Linard ha propri urden. Il spiert auza il chau: «Quels èn mender ch'ils uffants!»

«Jau na sun betg d'accord da far ina tala festa!» Il policist stat si: «Ils uffants discuran be anc da la festa e na fan mai pli quints!» In pér geniturs splatschan. Garte-gi al spiert da salvare la situaziun e la festa?

## Ina festa internaziunala

Finalmain è tut pront per la festa d'uffants. Il scolast ha pendì si glistas e placats en stanza da scola. «Uuuuuuuuuuuu! Questa saira Finalmain poss jau spaventat tut la cumpagnia!» Il spiert, ch'è anc adina zup-pà davos il corv empaglià ed il globus sin la stgaffa en stanza da scola, è be fieu e flomma. «Co è qui cun las tendas?» Il scolast mussa sin il plan. Chasper stat si. «Tut las tendas èn avant maun, nus avain construì la cuschina ed er la laina per cuschi-nar è pronta.» Mintgin è pront.

Ils uffants marmugnan e scutinan a tra-vers. En quel mument guarda il scolast sin l'ura: «Vegni, uffants, nus stuan ir, il tren da Cuira arriva en 5 minutus!» Quai è il tren cun ils uffants che la classa ha envidà a la festa! Tuts èn uschè agitads ch'els na prendan betg notizia dal spiert che sgola tranter els vers la staziun.

Cun in gronda canera arriva il tren cotschen da la Retica. «Vesais insatge?» – «Gea, guarda là en el terz vagun! Uei, quel è plain uffants!» – «Uuuuuuuuuuuu! Ed en il vagun da posta èn ils spierts ch'jau hai envidà!» Il spiert s'allegria.

La glieud normala, quai vul dir tut quels che n'èn betg spierti, guardan plain mirveglia sin il vagun da posta. Là satura il spiert cun ses amis en lur lenziels alvs tras l'aria. «What's this?» – «Was ist denn los?» – «Conuscha insatgi quels?» – «Tgi ha scrit iis invit?» Linard studegia vi e nà. El è responsabel per iis invit. «Quai èn..., quai pudessan esser...» Tgi pomai veggan ad esser quels giasts?

Cur che tuts èn s'installads enturn la ruina da Crapalv, po la festa cumenzar. Enturn las indesch e mesa s'auza il scolast per annunziar ina surprisa: «Ussa, uffants, legia Tina in'istorgia da spierti ed jau vegg a preparar la surprisa.» Cur ch'i batte mesanotg a Quattervals metta Tina davant il cedesch e dumbrà: «... diesch, indesch, dutesch, l'ura da striegn!» Ils uffants spetgari. Nagin na discura pli. I guardan enturn, ma igl è dapertut stgir. «Huhu, huhu!» Ina figura alva chamina sur in toc mir...

## La preschentaziun:

Daniel Badraun. Il spiert da Crapalv. Disc cumpact cun otg istorgias; raquintader: Roman Pünchera. Cuira 2002.

## Dapli infurmaziuns:

chatta.ch/?hiid=397  
www.chatta.ch

## Dapli dal spiert da Crapalv

Tgi che vul udire dapli dal spiert da Crapalv al po accumpagnar er tar autras aventuras. Dad el datti numnadamain er dus carnets OSL en puter cun ulterioras istorgias scrittas da Daniel Badraun: l'OSL 2228 – Il spiert da Crapalv (2005) e l'OSL 2316 – Il spiert a Venezia (2009).

## Il spiert da Crapalv:

Quels spierts tups che fan lur duair da notg. Ma betg il spiert da Crapalv. Quel urla e schaschina er da cler bel di. Ed il pover cont Teodor che stat al chastè da Crapalv na po betg pli viver senza l'agid da quel spiert. Ma cur ch'ina veritabile princessa cumpara, davanta tut fitg cumplitgà...

## Il spiert a Venezia:

Il spiert da Crapalv lavura memia bler. Adina spaventat glieud fa vegrin stanchel. El è sblatg sco la mort, gne-rus-sco in satg plain pileschs e perda adina puspè il chau. In di inscuntral in Italian, ch'al cussegli da far vacan-zas. Ed uschè decida il spiert dad ir a Venezia. Ma quai n'è betg uschè sim-pel per in spiert...



L'autur da las istorgias dal spiert da Crapalv, Daniel Badraun.